



Handwritten text on the right edge of the page, possibly a page number or a reference mark.



水明樓集卷之三

長安  
振錄  
諸卷

閩中陳薦夫幼孺著

年弟陳一元泰始選

五言律詩

出塞曲四首

一劍斬樓闌捐軀誓不還  
洗兵青海水走馬白狼山  
報國心勞苦封侯事等閒  
羞同漢飛將生入玉門關

受詔出長楊橫行向朔方  
揚沙天盡黑擐甲夜



生光士滿三千騎人齎五日糧欲持生獻捷不  
殺右賢王

慘淡一吳鉤當人血逆流買來旬月裏復盡半  
生仇每恨胡塵暗親除漢國羞男兒思報主何  
必在封侯

手詔下三邊軍中盡控弦椎牛宵饗士躍馬曉  
摧堅白日軍聲慘黃雲殺氣連  
猶有  
未  
肯勒燕然

### 紫駟馬

駿馬紫駟名驕嘶出塞聲寧辭天廐逸辛苦向  
長城勒賜黃金重蹄翻碧玉輕所嗟勛力異沙  
漠未能清

### 從軍行

生小負驍雄從軍水東潰圍驚鷲鳥覆陣類  
飄風行伍身多貴封侯不在功更憐頭白盡猶  
自塞垣中

### 關山月

明月滿關山征人去不還深閨與邊塞萬里月



明間孤影照歸夢流光啼玉顏自憐嬌小婦不  
及大刀環

銅雀臺

西陵晨望罷烟樹幾回新舞退羅衣色歌殘總  
帳塵雲迷漳水暮草暗鄴城春縱有登臺者應  
非昔日人

山行懷汝翔

鳥道勢盤空林疎葉墮紅客行山色裏路入水  
聲中畱火燒殘雪人烟背北風所嗟丘壑與不

得與君同

送陳秀才之燕

逢君江水上短櫂復孤征俠氣橫燕市離歌發  
越城津亭梅雨潤野館雪花輕世路無知己君  
無道姓名

過鄭二允忠所居

憐君猶寂莫一室冷城西徑路無人到蓬蒿與  
客齊雨明蟲網線風落燕巢泥惟有方床上書  
籤日改題



面壁洞送漸公

須達鋪金地林公擁錫遊洞門黃鶴守山果白  
猿投真法本無說茲關不可求如何烟水上明  
日又杯浮

同王震父熙工舅遊名山室

蘿逕遶孤峯珠林隱梵宮路尋白雲處人在翠  
濤中古洞閉殘雪水簾開晚風共將真妄理閒  
坐叩支公

輓鏡上人

定境隔人天誰叅去後禪空悲噴上樹不見計  
中蓮鳥下譚經處猿窺呪食筵未諳生滅理還  
賦大招篇

月夜溪上泛舟

回溪三十六一抱青山片月空濛外孤舟雲  
水間聽猿停欸乃得句應潺湲不是澄江上何  
因白練寒

旱

江南瀕海郡荒屢相尋尺地皆民命驕腸豈



水明樓集卷三  
帝心歲當流大火時復散重陰莫縱肥遺出蒼  
生困已深

因白同徐二陳二訪程子暉所居

幽人受一廬賣藥漢城邊室小都生白亭閒自  
草玄高譚堪永日交誼總忘年十日何妨飲愁  
君乏酒錢

宿平大兄箬坡別業

別業開青野重關掩翠微臨窓山月近捲幔宿  
雲飛樹色寒難辨猿聲曉漸稀不緣塵慮迫惆

悵欲忘歸

晚次汰口溪上

倚櫂人花源平蕪日正昏鶯啼臨水樹舟渡隔  
雲村古寺殘鐘斷孤城戍角喧客心當此際愁  
絕豈堪言

得惟起秋日見寄之作

荒村秋欲盡愁聽暮猿聲病遣疎人事窮能動  
友生一緘傳舊約五字慰離情正值寒芳處懷  
書向杜蘅



鄭性之見過山中談別

草榻初驚起松關忽復開  
乍聞童子笑知是故人來  
別我向何處對君徒自哀  
驪歌鉅可贈腸斷若爲裁

釣龍臺

龍去大江深高臺倚翠岑  
前朝遺舊事今日始登臨  
芳芷遊人薦豐碑過客尋  
因嗟明盛世霸業自銷沈

贈陳汝大

野性不求聞居常戀白雲  
尋山歸暮雪采藥過斜曛  
遺興郊居賦藏書石室文  
無須避城市已絕世人羣

懷汝翔

淼淼秋江水凌晨此別君  
相看兩岸澗遙隔幾重雲  
病豈龍蛇蟄詩將鷗鷺羣  
向來知已意難遣天書聞

山中尋友人

松色暗溪源危橋雙澗喧  
行窮青嶂路望入白



雲村樹密猿窺井庭空鶴應門相過移日語不  
作世人言

溪上送鄭允忠

朔風吹歲暮遊子重依依百里難爲別孤帆到  
是歸家貧生計薄身拙故人稀去去城西道飄  
零一布衣

村居寄徐大惟和

幽居水石中漸與野人同竹密齋長揜溪廻望  
不窮愁成耽酒癖病減讀書功爲問山陰侶何

時向剡東

枕上偶成

幽棲倦人事篇什稍罷工每向無心得多因一  
字窮興從春醉後佳在晚愁中幾度會欵枕沈  
吟到曉風

溪上對月懷伯孺兄客粵

木末秋光淨溪頭暑氣清那堪疎影裏更聽斷  
鴻聲病態愁時見離心酒後生今宵池草夢或  
恐未能成



元名

香觀馬蹠驕輕烟散柳條銀花含靄重絳曦近  
人消夜月宜歌扇東風稱舞腰廣陵如可到知  
駕碧雲橋

春日西園宴集

際晚共尋芳開罇復載陽雲容常染袂山翠忽  
浮觴草濕蜂鬚重花深蝶粉香春游殊未厭燈  
燭嗣餘光

泛舟泐口溪上

溪路無潮汐揚帆信晚風遙從一水去忽過萬  
山中落日遙峰碧新霜夾岸紅花源知不遠無  
用訪漁翁

送四十一兄之滇南

悵別青山晚臨岐夕照聞若行從萬里道復出  
諸蠻百戰干戈後孤城草莽間經年莫調悵懼  
損壯夫顏

草色已如此征途當奈何彩雲生洱海瘴雨洒  
將柯薄俗夷風少遺民漢語多南中新戢定知



不阻干戈

聞惟和奔喪寄信

豈不憚行役微官欲遠親  
木中風不定薤上露何新  
孰是終天恨伯然萬里身  
出來三釜養今古總傷貧

少婦行

宛宛生深閣盈盈入壻家  
登樓怨楊柳乘棹采荷花  
南陌看歸騎東湖荷落霞  
愁來發粧鏡拭淚滿春紗

興公之吳中乞銘臨送不及

迢遞向雲間淒涼遊子顏  
行將求片石欲以重青山  
到處可乘興知君惜閉關  
臨岐嗟不及惆悵若爲還

同汝翔興公訪振狂吸江亭

花暗竹青青來過江上亭  
酒非尋白社書正榻黃庭  
蚤韭和雲剪新鶯過雨聽  
君看今夜聚莫是少微星

病中喜惟和過山中草堂



水明樓集 卷三  
荒郊蟋蟀鳴肺疾幾時平何物蓬蒿外驚聞繫  
馬聲談深生起色別久見交情且醉黃花節無  
須問去程

九日與公振狂在杭遊鼓山病不能從

最好茱萸節登高送落暉如何多病裏復與賞  
心違白酒時應熟黃花歲漸稀牛山落帽者肯  
念淚沾衣

聞興公歸自吳中却寄

一葦吳門權秋風吹到家劍裝輕侶葉詩草爛

如霞久客悲王粲何人識孟嘉依然雙短鬢飄  
泊返天涯

送僧歸日本

此去應無住鯨波杳靄中浮天一帆遠半夜海  
波紅人作夷方禮經憑譯使通定知解纜後不  
用候旛風

折葦向東去風濤日夜生天邊孤嶂白浪裏法  
燈明乞食知無處占星難計程到來三十島一  
一有經聲



過鄭吏部繼之墓

寥落冶城西悲風烏亂啼荒墳樵豎識豐碣郡  
侯題磨滅名猶在榛蕪路欲迷尚餘靈秀氣長  
此伴虹霓  
梅亭多舊壟獨識此間墳諫草傳青漢詩名戾  
白雲骨應何日朽地見幾家分東里西華意蕭  
條不可聞

病僧

蕭瑟更凄清呻吟向化城扶身嫌錫重渡水覺  
杯輕白社攢眉慣黃金變相成不能呼弟子頻  
仗木魚聲  
支筇氣息微擁衲炙朝曦呪食難持鉢臨流畏  
浣衣耳昏鐘自動日閉鴿爭飛却望禪關外門  
人買藥歸

贈瀚上人

一衲敞如此何年出白雲法隨根器說名厭衆  
生聞燈火明無盡風旛寂不紛東溪禪定處松  
月夜初分



送王震父之臨邛省兄

共是悲秋日那堪此別君  
流澌巴水雪積雨劍門雲  
鳥道何時絕猿聲不可聞  
遙知春草夢夜夜慰離羣

君去欲何之臨邛天一涯  
魚嘗丙穴味書訂西巖  
奇問俗文翁化齋居謝朓  
詩王尊曾此去莫起故園悲

逢慶良上人

緇流曾問訊何處得如君  
五蘊空塵障三生淨垢氛  
曇花猶有相貝葉不離文  
始悟悠悠者晴空一片雲

送性言上人還金陵

關河葉正飛遠道送將歸  
海月辭金錫江雲上衲衣  
禪心隨處寂鄉夢到來稀  
他日相思處遙遙禮翠微

賦得征馬嘶送曹能始北上

征馬曉頻嘶金鞭拂玉堤  
似應憐遠客不是愛障泥  
別路燕山外前途易水西  
念君方得意春



草正萋萋

題徐惟揚法雲寺書舍

習靜結緇流陳書汗白牛韋編三藏積環堵  
方脩塵拂楊生肘文成石點頭談經雙樹裏  
馴虎誤相投

負笈去無蹤飄然隱鷲峰微言傾上座捷悟勝  
南宗簡蠹同僧譯齋寒對佛供多因忘食久不  
聽飯前鐘

保福寺餞送謝座師還零陵

征馬去悠悠祗林路轉幽擬將空寂境稍解別  
離憂共惜一尊盡相關千里愁由來知己淚難  
禁向人流

送張叔弢之官昌化

薄宦意不愜况之炎海南朝飡供石蟹野毒避  
金蠶官舍居無定黎音聽未諳寧湏齋苜蓿  
葑可防嵐

朱崖風土異過客倍魂銷期望兩回南東西半  
月潮鯨鯢窺海舶蝮蝎踔官橋旦夕青氈下



歌雜漢謠

石竹山

古洞紫雲扃荒臺問摘星月高窓湧白樹密檻  
流青竈冷丹砂候山餘赤鯉形由來塵土夢那  
許接仙靈

二十年前願茲遊得躉償玄關敲斷靄仙路  
蹠殘陽鳥宿依巖洞猿行避石梁莫從入境望雲  
海正茫茫

哭榆兒

汝向垂亡日吾方寢疾時昏沉長不解消息兩  
難知未覩羸時態空生覺後悲百年形幻爾莫  
謂見無期

聞汝神先逝經時却復蘓數聲猶戀母雙淚爲  
憐吾觸鼎飜殘藥探囊得舊襦最堪腸斷處眠  
食錯相呼

訪王百谷不值晚歸舟中過雪

三徑蓬蒿外蕭然見履痕寂寥齋自揜磨滅刺  
空存暮雨河流急孤舟雪影繁翻憐戴安道興



盡子猷門

江北旅情

薊北三春望江南萬里愁隴雲凝馬足林雪澁  
鶯喉野曠天垂驛更寒月墜樓長河將客淚日  
夜向東流

曉渡黃河

際曉趣前程殘星幾點明嚴寒凋馬色積雪悞  
雞聲冰坼容船入途分認軌行漸聞霄漢事知  
已近神京

下第後呈徐惟和文夢珠鄧太素

寥落三春暮飄零萬里餘殘兵歸磧日去嬾下  
堂初對客羞言命逢人懶寄書與君俱未悟儒  
術是謀疎

題許靈長快雪亭

又徑穿危石憑欄俯郡城人烟當晝合僧磬隔  
林鳴松下雲千頃竹間泉一泓湖光與山色宜  
雪復宜晴

燕中送郭五之朝鮮



若爲天末客更作異鄉遊虜酒鷓黃湛寒江鴨  
綠浮華夷殊氣候離別換春秋亦是乾坤裡何  
須雙淚流

賦得逍遙遊贈鄔子遠

去去何年別悠悠萬里餘身非能御氣迹已類  
憑虛獨往雲爲伴徐行步當車不須婚嫁畢始  
遂尚平初

贈瑕丘縣漕園郭叟

如何漢陰客不種汝陽田荷蕢防時歟耘瓜得  
種先樹深宜陋巷沙暖近溫泉却咲問津者極  
栖徒自憐

舟中望金山

天接大江流孤峰日夜浮鐘聲沉濁浪塔影入  
清秋佛國鼇爲柱僧居蜃作樓歸心將急景不  
得少停舟

舟次松陵余將有苕川之行惟和先歸賦

此爲別

與君同失意况復與君違客路經旬別孤帆兩



處飛睽離空有恨去住各無依生計今如此那  
能羞布衣

雖是憐同病與君非一身淹留殊去就悵望各  
悲辛共拭拭殘淚更傷傷後神只應君到日愁  
我倚門人

題張幼于白公石

一片香山石相傳長慶年雨滋新上色苔沒舊  
時鐫半壁中無路孤峰頂有泉風流君可繼應  
在草堂前

吳江訪顧道行學憲留宴雲蘿館

名園曉一過華館覓雲蘿取酒宜沽店流觴曲  
水波詞壇容舊契樂府唱新歌不設尊鱸供知  
予鄉思多

題顧學憲聞禽閣

山閣白雲透啾啾當管絃孤吟春曉日半噪夕  
陽大響雜交交鳥聲非嘒嘒蟬總然無俗韻知  
不攪清眠

謝在杭招飲郡齋



仙吏邀驩日公庭退食初  
盃行深竹裏茵藉落花餘  
揮塵玄言密當筵禮法踈  
不須投井轄留客有圖書

留別在杭

還家雖暫喜戀別亦沾巾  
復此心知者分爲去住身  
澄江帆影月遠岫郡齋春  
兩地勞相憶清宵魂夢頻

可歎相逢淺睽離復損神  
青憐雙眼舊白見二毛  
新旅夢還家穩生涯失路貧  
他時驄馬客或

念祝雞人

湖川送周喬卿之武康遂遊金陵

念君將別日是我得歸時  
去路方無定還家未有期  
帆移雪溪遠潮到建康遲  
交態今如水空囊欲向誰

春日雨中屠田叔使君招集鄰霄臺同錢叔通徐惟綸惟起王粹夫分得齊字

互逕蹋香泥靡蕪一望齊臺登踈雨背塔柱亂雲西却蓋依松色停騶讓鳥啼  
山公新理詠不



唱白銅鞮

送陳彥宗以曹能始書謁永嘉令君

飄泊更何處謀生只薄遊孤身辭瘴海六月向  
温州失路自應困出門難計愁游揚有書札或  
可賴曹丘

送陳汝翔游龍虎山

為訪名山去祈靈太乙壇行隨雲縹緲禮到斗  
闌干符籙風雷秘刀圭雪霰寒前途方辟穀服  
食當加餐

送鄭震卿尋兄之吳中

難兄多載別聞在闔閭城念爾相尋去家人行  
復驚風波俱浪迹山水易關情見面卽回首故  
園無弟兄

送林穉虛進士赴梧州司理

單車雲外去銅鼓驛前停霧溼蚶蚶毒風嘶蛤  
蚶腥蠻家編作甲峒女健成丁徭俗原淳樸逢  
君更恤刑

送余印卿歸濉陽



水明樓集 卷三  
片帆何處落知在鶴溪南山色洗經雨瀨聲收  
入潭燭孤宵不寐舟熱午難堪忽忽對誰語枕  
前書數函

懷伯孺兄

行李發江干鶯花向未闌一從征袂解又見客  
衣寒新作夢無據舊傳書再看恐添羈思緩不  
敢寄平安

計程仍計日愁雨更愁風彼此各天外往來俱  
夢中路長知客慣歸緩十途窮應是還家近無

心覓便鴻

家貧非不返返亦只家貧且就同心侶應憐失  
意人去留難自決消息豈能真敢信歸期近時  
將慰老親

鄉書何處返傳得在吳門計日久應發望歸今  
已煩魂當思忽斷淚到見無痕來往葦鱸地可  
能忘故園

女翔惟秦惟和惟起無競枉集招隱樓賦

答



獨有危樓上嵐光四望濃  
窓窺松際月池浸竹  
間峰倚檻天盈尺  
蹋梯雲幾重  
櫨非煙火客  
棗桂合相容

雖近人烟處  
憑欄面面幽  
梧桐聲受雨  
桑柘色  
宜秋樹裏雲邊足  
山蓬霧裏頭  
更堪君輩客來  
續八公游

送鄧長文還光澤

逢君當客裏  
那忍送君歸  
欲別難分袂  
相憐總  
布衣路長趨曉色  
心急冒炎威  
孤縣天西外  
音

書知更稀

留別樵川諸友

可柰樵川路  
偏傷解袂情  
離顏山意  
悵別恨酒  
權輕後會匆匆約  
前溪渺渺程  
恐君勞送目  
教向急流行

謁高賢祠

詞壇一片地  
千古聚精英  
墓朽孤吟骨  
碑鐫大  
雅名神應通後死  
業不負前生  
想到青宵裏  
冷冷白雪聲



作興兼著述功總在詞壇去取詩中定精神卷  
裡看樂章歌舊草酹酒縮幽蘭雖有相臨分同  
堂坐亦安

至困溪十里橋再送屠使君

訣別到溪梁無言黯自傷片時腸已絕數日惡  
難當遠淚山含雨愁顏葉帶霜因君先哽咽不  
敢出離觴

困溪汎舟懷惟秦惟和興公伯孺兄舊遊  
一葉小溪舡揚帆樹影邊旋流趨水勢嶮瀨得

風權纜鋸崖稜缺篙鑽石眼穿同舟心賞客妨  
惚似前年

延平八詠

九峯月朗

芙蓉佳可望偏在月明中一一掛秋魄三三矗  
晚空素輝青不斷斜照影俱同彷彿清光裡湘  
山九點崇

三寺雲深

盡說南峯寺遙看一片雲鍾聲催不散香氣鬱



水明樓集 卷三  
難分路向晴時入經從隙裏聞上方何所見塵  
世自氤氳

龍津春浪

洶湧復囂喧潭深怪物存波濤銷鬼膽風雨泣  
龍魂契合知因數奔騰欲報恩只今春浪裏應  
不禁飛翻

猿洞秋風

古洞猿啼處西風正颯然吹霜清道骨拂地掃  
塵緣黃葉噫噫雁丹楓嘒嘒蟬惟應脩靜者不

攬石床眠

中巖瀑布

懸崖最中處遙有石泉飛玉筋插秋漢珠簾閒  
夕暉聲蕪新雨壯影破亂雲微幾度携琴去巖  
前看不歸

黯淡洪濤

危湍山寺下不數海門濤險欲浮天去狂堪漲  
日高灘聲寒疊鼓石勢銳衝舫試向禪關望方  
知舟楫勞



水明樓集卷三  
梅山朝旭

鐘城高處寺曙色最先開  
鳥影三竿出鷄聲萬戶來  
晴能看冶躍曉不待鐘  
催杲杲疑暝雪前峯  
夜放梅

衍麓晴霞

翠麓隱仙家  
殮餘五色霞  
龍光清漢迥  
鳥道夕陽斜  
峰湧真人氣  
泉流葛令砂  
祗應笙鶴侶  
長日醉桃花

普通寺晚眺

山回磴道深  
幾歇到禪林  
步步出人世  
行行銷妄心  
雲晴天界近  
月午下方沉  
何處雙溪水  
東流答梵音

賦得同心結有贈

玉綴復珠蟠  
纏綿爲所歡  
疊來千緒亂  
束處一心難  
互結應愁解  
雙持不肯寬  
西陵松柏在  
詎忍負團圞

再爲公洛姪題陸艇齋

可笑齋如艇  
浮生此處安  
塔前牽世路  
門外怯



水明樓集卷三  
風湍破壁圍葭菼虛簷剝木蘭九流曾遡盡剩  
得一牕寒

燈下別粹夫仲復

君因憐我病來往小樓殷買藥衝殘雪迎醫到  
白雲孤燈寒半滅短棹曉將分服食因多効新  
年說與君

送王相如遊九鯉湖

忽有尋真與飄然問鯉湖出關雙屨草渡峽片  
帆蒲筍棹泉懸玉簾飛溱落珠群仙應顧笑相

憶爛柯無

題吳仲聲疎影齋

芳樹齋前影寒梅雪裏花因風微澗漾借月淡  
交加曲曲侵朱檻蕭蕭上碧紗銀塘冰泮後清  
淺浸橫斜

送董叔魯太學應試蕪省侍岳陽

春城花月裏有客唱陽關路逐征鴻去心隨社  
燕還謠聲燕北市雲影楚中山好借宮袍綠來  
添舞袖斑



水明樓集卷二  
送王永啓之樵川

問爾去何適樵川我舊遊故交殘白社餘恨結  
青樓山逼城多熱林荒寺早秋朱門誰好士明  
月慙相投  
六載銷魂地從君細說來殘燈孤寺雨急浪萬  
灘雷客母詩情重僧多酒禁開尺書腸早斷不  
獨病難裁

題聞蟬閣

小閣倚新晴寒蛩不斷鳴泠泠凝雨急嘒嘒受  
風輕曳樹有殘韻撫桐無殺聲古槐深巷靜流  
響和詩成

送天章上人還重光寺

空門何所住無去亦無歸山雪響帆布溪雲宿  
衲衣林荒人跡少寺遠佛燈微彼岸回頭是遙  
遙一錫飛

送歐生還蔣溪

歲晏撤寒氊還鋤雪裏田行裝輕裹劍束脯薄  
收錢騎馬荒邨月鳴雞午店烟歸當分水處能



不淚潛然  
送戴生還海口

廿載曾遊處送君今日還長橋聲犯海孤塔影  
搖山鰲極滄溟外魚鹽井邑間擬看燈市好未

卜早春閒

送友人遊武夷

花暗水泠泠沿洄訪幔亭乾魚皇帝祀遺蛻列  
仙靈鼎瀹新茶白梯盤接筴青舊諳金石刻苔  
裡勘丹經

夫去神仙宅幽竒不可言雲中吠有犬石罅塵  
如猿毛竹猶秦產桃花似晉源吳公洞裏月重  
與宴曾孫

遣人之東陽臨發得伯孺兄書

片緘臨發夜驛使忽傳梅悲喜情相半循環看  
幾回遲驚新歲寄巧值此宵來欲答書中旨題  
封更一開

題分綠齋

齋小無花藥蕉陰散滿庭平分來几席一半上



九日明林集卷之三  
窓櫺舊綺難辭綠寒燈早受青定知非尚白何  
伯草玄亭

鵝湖石塘舖視鄧觀察留題感賦

宿雨樹空濛長途恨轉窮故人當昔日遺墨掃  
秋風迢遞聞天外淒涼楚水東河山今已邈嘹  
唳怨孤鴻

曹能始新移公署喜予至賦答

雖然公署裡無異薜蘿情種竹迎山雨移花惹  
禁鶯徑仍蒼蘚曲軒侶綠陰成不有漁樵客何

人狎主盟

將之鳩茲別汝載能始茂之

遠遊原自惡况復路行難作客歲多病中人秋  
薄寒江流餘漲急城邑幾家殘此地無知己因  
之憶所權

客中送鄭震卿還閩

客路送君返心知亦暫違雖無離別恨終悵後  
先歸嶺峻霜威蚤溪寒酒力微尺書憑寄意爲  
我款巖扉



仲復柱過溪上

清溪花雨裡有客弄扁舟託信來青鳥題詩贈  
白鷗禪心雲際寺酒興月邊樓濟勝今無具陪  
君作臥遊

中秋同林仲復泛月溪上

十里澄溪上沿迴看月光棹輕天弄影杯冷雪  
生香秋序行過半良宵澹未央莫辭餘興發微  
白在東方

十六夜同林仲復李能受池上對月

迴塘漾素波秋影澹如何節始今朝望光偏向  
晚多輕紅杯泛蓼殘綠酒擎荷共有南樓約來  
宵更一過

十七夜同林仲復鄭用精公弼姪水明樓

看月

共向南樓上來尋昨夜期勝情元不減素魄未  
曾虧波冷光搖席窓明影受池從茲連夜賞直  
到似弦時

哭鄭元亮



平生毫爽甚去矣早脩文語不人間道詩看帝  
座聞千秋流大業三尺閉孤墳總爲風騷絕傷  
心慟哭君

題磊老山房

閒房閉蒼翠手剔舊苔痕石罅何人鑿峰名磊  
老存古松清道骨新茗補吟魂落盡琴書月留  
雲宿葦門

朝鄭思閣納新姬

金車閉七香轅短塵何長言是綸巾女相過團  
扇郎菱花開晚閣蓮子結新房坐令詩春者芳  
時徒慨慷

哭蔣居實孝廉

我病當愁裡君來坐榻前詎知譚永日竟是訣  
終天經術精何益文章散不傳馬江東逝水西  
上更何年

清吟三百首曾屬我雌黃欵欵虛懷見區區形  
跡忘古辭渾漢魏新曲艷齊梁欲報君無及吞  
聲泣數行



答陳知依

別來非不念秋老轉相關  
窓葉孤吟落籬花不  
飲閒半庭將落日幾點欲寒山  
知向茱萸節扁  
舟載月還

水明樓集卷之三終

水明樓集卷之四

閩中陳薦夫幼孺著

年弟陳一元泰始選

五言排律

登玉皇閣

飛閣倚岩堯攀躋出絳霄  
梯盤千級峻山接九  
仙遙上帝垂衣處諸靈擁節朝  
爐烟將雪捲旛  
影隔花飄粉堞光廻合浮屠勢動搖  
雙門金作  
闕萬壽玉成橋俯挹鰲峰秀  
平吞馬竇潮江遺



螺女珮臺建越王標貔虎疆場集鯨鯢島嶼銷  
花封分九邑柳陌會千條魏闕天非遠長安日  
可邀所希呼吸裏同此祝神堯

席上贈別歌妓

良會未成歡徵歌出小鬟晚妝羞粉黛春服怯  
羅紈寶釧添香撥銀箏促酒彈月稜眉蹙恨雲  
彩髻凝寒屬意遷延久留情去住難長才思倚  
馬妙吹合乘鸞別淚揮湘竹離心紉楚蘭萍縱  
隨遠近蕙質易凋殘明發如相憶新辭到處看

贈楊叔向參知駐節延平二十韻

當世譚風雅如公邁昔賢關西方擬聖漢代舊  
稱玄樹德環隨雀專經席墜鱣銀魚藏奕葉金  
馬擢芳年論著荀王列詩名盧駱先書應齊絳  
帖文不數青錢久視詞垣草頻分 御燭蓮帥  
模曾變魯奇節詎推燕丹陞方隆春青山斲結  
緣幾雙碁墅屐一曲鏡湖船 睿想夔龍切徵  
書鸞鷲傳遙飛屏翰檄獨重保釐權鼓角清閩  
海干旄耀劍川襟交三郡水案疊九峰烟怪物



金波靜精華玉洞宣庭閒無壅牘事簡有新編  
下士心何切微才性亦憐披吟恒嘖嘖接納更  
拳拳卿士應維月台垣合在天定知黃閣上能  
薦子虛篇

小箬溪舟中觀漲

積雨千溪漲驚濤萬壑馳望洋東海遠懸沫呂  
梁危浪急稿轟柱沙迴冢瘞碑舟行村逕曲帆  
觸驛樓歌畝女舟中市山神水底祠蝸蟠江樹  
蛻魚睨鵲巢兒西上情鯨切東流不可期狂瀾

將客意愁極王相

四月晦日屠田叔及同村集西湖觀競渡

得四支韻

晦節平湖上新晴落漲時開樽邀汗漫洗酌破  
漣漪坐向臨流合筵因選勝移方舟文桂檝豔  
曲采菱詞伐鼓矜先捷懸標戒獨遲波驚翻澤  
芷櫂轉亞江籬日落明紅袖風生佛錦波目隨  
跂足盡手應勝心麾歲序催朱索年光續彩絲  
由來能賦客不作楚臣悲



慧林寺尋徐鳳儀塵守黑朱白卿王伯効  
古刹蟬聲外殘鐘野水濱幡飛方覺路橋渡欲  
迷津落日山交春迎風樹作鱗門扃游客少厨  
冷寺僧貧燈燄傳千劫經聲爭六塵葉鋪禪榻  
軟苔繡佛衣新處處看題偈房房到問人只應  
蓮社裡容得葛天民

殘月如新月

一樣蛾眉質那分魄死生清宵還共缺後夜益  
難盈側鏡看俱類開簾拜不成應潮迷海客占  
候悞胡兵影照殊裳莢星瞻認啓明閨中何以  
辨殘漏與初更

團扇承落花

宮扇偃輕羅宮花隕玉柯偶持迎絳雪詎遣雜  
青莎帶露疑揮汗沾朱似障歌陣香風處返片  
影月中過白爲鼓深損紅因坐久多殘英兼舊  
寵相戀恨如何

屠辰州納小姬張氏戲寄二十韻

綠珠還碧玉錦瑟復琵琶羅襪宮纓淺香肩繡



傾斜名通題後葉年及破來瓜腹細輕勝燕鬢  
農爭點鴉暖融衾裏雪嬌絢鏡中霞衣綠名方  
稱牽紅禮正嘉錦絲長步障油壁短轅車內傳  
行相慰東鄰去不遐麗華歸綺閣窈窕出張家  
生怯銀缸滅徐浪翠幕遮狂心嫌鄭重譽口競  
吞嗟意得形骸畧恩深寵遇奢停驂愁夜漏疑  
心惜春華帳底羔羊酒琴邊小鳳茶交聲揚皓  
西借手押紅牙巧笑迎歸院含情促放衙宜男  
日草結子異時花妝省秋娘妬書從故友誇  
溫柔鄉足老判不采辰砂

感遇和會真詩韻

薄霧隱雕櫳長河帶遠空逕穿花茂密窓隔樹  
朦朧玉漏頻敲竹銀床半落桐水晶簾受月雲  
母帳藏風媒介知心侶詞申肅客童晚粧看處  
淡春睡喚回濛寶鏡明霞暈輕綃膩雪籠襪羅  
織露鳳巾領翠垂虹冶態嬌傾國微言乞入宮  
一書城早下百折水還東媚眼含羞賣柔情巧  
笑通交深那更忌意密自然蒙曲巷楊遮路寒



厓桂託鼓鴛鴦耽繡枕鸚鵡怨樊籠恨滿宵長  
結啼多氣不融粉鉛銷臉色釧玉失肌豐別促  
空嗟命緣乖但撫躬篝燈防夜藥倚戶剔春葱  
事迫權方設謀殷變立窮佳期元易過好夢亦  
難終皎皎盟伸志蒼蒼帝誘衷雷生雙劍合范  
蠡一舟同奮侶歸巢鶴翻如脫網蟲朱樓雲氣  
重翠被日光瞳世俗嚴涇渭人情阻華嵩誰憐  
心裏素競蹴路傍紅浪迹悲流梗離腸轉塞蓬  
秋回差侶燕春去不如鴻舊事烟隨滅新愁火  
更冲殘魂應不惜纏死玉樓中

賦得玉珂龍影度送楊參知入賀

聖節

珮馬夜何其朝 天度玉墀鳴珂隨驟裊迅影  
逐織離響急班如疾聲徐沃若遲鏘鸞興雅詠  
遵路仰○王馳戛戛繁纓動珊珊疋練移琮琤  
翻寶鏡錯落雜金羈想結因風夜鳴思立仗時  
千秋追八駿扈從宴瑤池

賦得立馬愁將夕送沈從先還吳門



征鞍愁未發，惆悵日將西。  
短景明金勒，離情絆玉蹄。  
鞭停新月渡，轡攬夕陽隄。  
戀別何嗟晚，鳴寒不斷嘶。  
珂聲催祖帳，露氣濕障泥。  
逸足匆匆駐，長烟漠漠低。  
歸人望燈火，圍僕促分攜。  
後夜憑高望，閭門正練迷。

梅子庾從白下送至錢塘漫賦志別

爲我遠行役，栖栖吳越間。  
常從居幸舍，不斲去禪關。  
肝膽輸純白，文章露一斑。  
相窺皆刺骨，對坐總開顏。  
燭爲詩情短，杯因酒戒閒。  
感時心慷慨，觸事涕潺湲。  
斟酌機宜合，匡扶跬步艱。  
形骸眞轉畧，禮法病多刪。  
片出浮烟水，潮來看雪山。  
甘同雙寂莫，恨不兩躋攀。  
井面方投轄，刀頭忽憶環。  
忍揮千古淚，中道送君還。

水明樓集卷之四終



水明樓集卷之四

此處有模糊的書影或殘文，難以辨認。

水明樓集卷之五

閩中陳薦夫幼孺著

年第陳一元泰始選

七言律詩

古意

月隱層城綺閣深  
流蘇帳冷撤鴛衾  
柔情不恨清宵永  
曉夢猶纏大漠陰  
京國秋殘虫寂寂  
交河雲薄鴈沉沉  
可憐霜露催刀尺  
空有寒衣寄此心



秋宮怨

珠箔銀屏一樣秋黃昏斜抱玉筩篴明河夜繞  
芙蓉帳冰簟涼生翡翠樓繡戶月光秋草合紅  
衣露冷晚荷收禁宮寂莫槐花夢空得朝朝侍  
冕旒

夜投瑞巖寺

海色蒼蒼白露寒征途初倦叩禪關似聞僧語  
青冥上乍見窓開黃葉間清梵聽來山月曉荷  
衣濕盡嶺雲還心知淨境難留滯坐向繩床一

夕間

吊古詩

漢寢秦臺歲月空前朝冠蓋有遺蹤日間野鹿  
游吳苑雨後銅駝卧晉宮金谷樹荒苔襯綠平  
泉花落水流紅行人莫嘆北邙路多少英雄向  
此中

寄外舅林正覺隱君

北風霜葉正悲聲况是辭家久客情千里青山  
惟夢到三年鬢髻爲愁生孤城日落寒猿急古



水明樓集卷五  
戊秋深暮靄平誰分寄書猶未得更無鴻鴈向南征

哭智夫兄

愁雲漠漠海沉沉人世那知此恨深  
青草夢回池上晚白楊風起隴頭陰  
傷心莫聽山陽笛歎逝空悲子敬琴  
最是哭君何處所西園烟樹易沾襟

圯橋懷古

青山曉映白門樓草樹連天不記秋  
漢閣火來云棧絕楚江風起玉雕愁  
素書寂莫圯橋在黃石荒涼濟水流  
往事神仙那可問長河烟浪自悠悠

上王懋復太史

曾讀先朝中秘書身年未老便懸車  
墨池客到勞飛白鳥石僧來與卜居  
交借諸生名轉重心憂時事鬢應疎  
黃金肯顧家人產不獨西京有二疏

石松廢寺



重來應感舊遊非  
野寺無人晝掩扉  
金界草生迷客路  
禪床花落拂僧衣  
雲歸塔院寒後嘯  
日入香臺野雀飛  
惆悵空門只如此  
人生何處是皈依

寄張四

旅遊風物易蹉跎  
回首方驚歲月多  
夢澤寒砧催楚客  
洞庭秋水怨湘娥  
雲邊故國蒼山遠  
霜後孤城白鴈過  
幽鳥啼猿腸總斷  
竹枝休向月明歌

海口城晚望

兼葭藹藹樹蒼蒼  
平楚閒看益渺茫  
驛路遶山多落木  
孤城臨水易斜陽  
潮回近浦寒生雨  
雁度遙天夜帶霜  
暫息征鞍溟海上  
烟波千里斷人腸

重光寺贈鏡公

上方僧室翠微連  
碧澗流經玉殿前  
林下疎鐘驚落葉  
水邊新柳拂爐烟  
行看萬境還俱寂  
坐對千峯總是禪  
聞說勝遊多有賦  
幾人能擬惠



休篇

永陽寒食寄諸兄弟

城上春殘楊柳垂更逢寒食憶歸期  
愁中草色看常淺別後猿聲聽漸悲  
孤枕夢回蟲自切尺書情重鴈應遲  
人生莫說天涯遠百里相思是別離

瑞巖寺贈白雲上人

空林杳藹暮鐘聲鳥道縈迴夕照明  
深洞但隨雲影入迴巖偏繞水聲行  
烟中島嶼塵寰遠樹

裏滄波漲海平願與方袍同此意  
欲持半偈證無生

越王臺懷古

八郡封疆世幾更高臺尚有越王名  
雲山不變古今色江水但流嗚咽聲  
逐鹿舊都無客在釣龍荒井此時平  
遺民祇用衿形勝聖代萬年誰戰爭

遊福海庵

獨尋雙樹叩禪關身世無如雲影閒  
秋草自生



僧定處巖花故落水流聞天邊西嶺斜陽路鳥  
外東林過縣山遠樹蕭蕭明月裏一聲孤磬送  
人還

上永昌太守五十四伯父

甘泉烽急羽書飛萬里分符出紫微西蜀不須  
馳馬檄南人今已識天威花邊露冕迎春早柳  
外鳴琴過客稀聞說九重方側席肯令坐蹠  
遠王畿

煬帝行宮

長淮烟水去悠悠藻井雕欄廢幾秋一自翠華  
歸內閣更無玉輦幸迷樓牧童尚識延光院商  
女空歌清夜游腸斷月明湖上曲幾人江北望  
龍舟

擬過長沙賈誼宅

三載長沙滯此身至今遺宅在江濱治安有策  
酬明主京洛無家怨逐臣却聽寒蛩啼廢井不  
聞野鵬上承塵可憐絳灌銷沈盡門外何人淚  
掩巾



哭王三少文

淒淒風雨冶城邊  
往事傷心最可憐  
文酒相驩才幾日  
乾坤此別又千年  
重泉不捨慈烏恨  
綺帳應乖卜鳳緣  
莫謂空山可埋玉  
殘珠斷壁世爭傳

元夕詠冰燈

一夕春星散九衢  
晶熒高掛有還無  
清光只合圍銀燭  
寒影猶堪勝玉壺  
怕向鰲山薰烈焰  
懸當鮫室照明珠  
不知綺閣重幃裡  
那得霜天片

月孤

送王少文入城西殯宮

雉露歌成不可留  
長辭華屋向山丘  
人隨白馬如雲散  
兆有青烏計日求  
暮雨寒狐依總帳  
夕陽山鬼弔松楸  
縱然相送知何處  
門揜荒郊水亂流

愛妾換馬

綠耳軒驤翠黛低  
雲鬟今日媿霜蹄  
含情忍卸金條脫  
得意新從錦障泥  
舞院廢來成皂櫪  
雕



鞍歸去閑香閣此身稍似離轅日一步驕行一步嘶

過越王墓

山下荆榛沒斷碑秋風空見黍離離墳前馬鬣封秦土藏裏龍髯墮漢時田父年荒籽野麥遺民歲晚薦江離興亡不用空惆悵三輔今無陵樹枝

哭曾文表

賓榻塵生總帳幽依然門徑野花秋呼來絲竹

臨終聽散盡圖書應客求遺稿殺青何日定斷縉飛白有誰收向來兒女空流涕只說莊生問觸髅

過太虛上人竹房

未老身先絕送迎蒲團長對竹陰清百年燈燄銷塵劫一夕浮雲了此生竹院已空終日閉青山雖在少人行四隣猿鳥招呼慣猶望晨昏禮磬聲

訪陳惟秦



流花瀧水遶門前楊柳舟邊繫釣船十載聲華  
空籍甚一區環堵故蕭然防身佩有雙龍劍負  
郭居無二頃田弱冠獻書今未遇欲將何計問  
蒼天

題汝翔泡菴

久持半偈證無生新結茆茨出世情定後俗緣  
俱是幻悟來真法亦無名三千界內爐烟冷十  
二時中鉢水清何日與君離苦海風波方寂泡  
方平

送在杭司理吳興

南國封疆此奧區羨君年少佐分符城臨震澤  
平看越地接包山半入吳世難平反情轉切官  
閒坐嘯訟應無郡齋一一窓中岫莫遣玄暉野  
興孤

送妓入道

玉池清水洗鉛華悔作新粧學內家鳳次有時  
招白鶴柳腰無力佩青蛇星壇不檄陽臺雨暈  
頰疑餐紫府霞頗憶舊來歌舞伴緘書猶寄碧



水明樓集 卷五  
桃花

送葉尹德太學之金陵

聞君覽勝到吳中，今古封疆自不同。  
百雉巍墻非晉壘，雙龍高闕表明宮。  
齋鐘夜擊長干月，旅舶朝乘比固風。  
六館橫經多暇日，鳳凰臺上有歸鴻。

初別家

驛路蕭條歲復闌，離筵相對不成驩。  
心隨瘦馬驅馳急，身繫浮名去任難。  
孤館月明迷曉夢，長河冰泮怯春寒。  
高堂已自裁縫密，無那征衣日漸寬。

魚梁道中懷鄧汝高民部徐惟和曹能始  
二孝廉

梅花松影兩參差，不見前村賣酒旗。  
馬齧雪殘將盡草，猿啼霜後最枯枝。  
幾家山館迎春早，萬里王程到日遲。  
雖是別離腸欲斷，却憐京國有心知。

甲午除夕西湖旅情



寒窓孤燭影初搖，風力催人酒易消。  
舊歲韶光還有幾，他鄉春色倍無聊。  
魂歸劍浦三更月，淚應錢塘兩次潮。  
旅思萬重身萬里，最難禁得是今宵。

誰堪羈旅迫殘冬，長日思家病轉慵。  
客裏歲當今夜盡，夢中人在幾時逢。  
愁如湫澗湖間水，身似飛來別處峰。  
三竺寺僧知此意，可能遲得數聲鐘。

途中答鄭應尼孝廉

丹陽城北遇蘭橈，楊子江邊共看潮。  
暮雨鷓鴣青草渡，漫天風雪灞陵橋。  
魂隨曉色鴻邊斷，酒中春寒馬上消。  
應是浮名祛未得，與君生計媿漁樵。

長安曉望

閭闔晨開載筆游，九重高處擁宸旒。  
輓轡響斷銅街月，環佩朝回玉殿秋。  
北闕雲來仙仗滿，西山水落御溝流。  
聖朝無事方垂拱，誰念書生策未收。



水月樓集卷五  
同許靈長太學張去華山人徐惟和曹能  
始二孝廉集鄧汝高民部署中賦得長  
安新柳送張成叔太學還四明得樓字  
千枝萬樹影悠悠絳闕西偏紫陌頭淺綠乍迷  
游冶路新黃先映狹邪樓腰肢未軟那堪舞首  
黛方舒已帶愁張緒風流年尚少故園歸去莫  
淹留

下第後書懷

故園今去歎途窮半死形骸似夢中筆陣已隨  
蝸角北心旌又逐馬頰東千家曉色蒼黃日二  
月春光慘淡風雖是思鄉情不淺江南羞見杏  
花紅

送張子環下第遊楚

欲將何計憫窮愁千里還尋鸚鵡洲路到荆山  
腸自斷帆過湘水淚應流天涯此別慚知己世  
上誰人愛薄遊歸去故園須及蚤荷衣猶勝黑  
貂裘

將出都門留別鄧女高許靈長張叔弢諸



子  
半年京國困風塵無那思家淚滿巾鄉路八千  
歸去遠改園三畝到來貧閨門似阻窮途客花  
柳偏憎失意人今日別離還是夢却慚知己為  
傷神

彭城懷古

雲龍山色碧崔嵬曾見河清幾度來西楚沐猴  
空有國東徐戲馬已無臺原頭血濺虞姬草塚  
上雲封亞父苔魂斷烏江歸不得錦衣終是夜

深回

燕子樓

劍履塵生總帳垂獨眠人愧燕差池北邙黃土  
千秋恨東楚紅樓半夜悲柳葉凝烟愁縷縷在  
丹含雨淚枝枝十年多少沈吟意只有尚書造  
下知

虎丘懷古

玉鴈金鳧歲不同幾人曾此泣遺弓石因試後  
芙蓉裂花為啼殘杜宇紅舊宅至今祠短簿講



水明樓集卷五  
臺何處覓生公青山一望誰長在只有蕭條松  
栢風

為王百穀悼妾

桃葉歌殘團扇秋人間天上兩悠悠鐘聲咽是  
催魂斷燭淚紅因帶血流恩絕不曾緣換馬心  
傷那忍看牽牛一丸靈藥千年恨悔作蟾蜍向  
月遊

下第後過吳興謝在杭出喜余舉孝廉見  
寄之作賦答

巧人千里贈瑯玕何事歸來更鶻冠只待出山  
明小草竟從深谷歎猗蘭黑貂已厭風霜苦瘦  
馬誰堪道路難不是平原能好士烏程十日若  
為驩

遊歸雲菴謁孫太初墓

槿花落盡曉猿驚松栢摧來宿草生流水有情  
當路咽歸雲無主傍山行人間幾見成仙骨世  
上難埋不朽名相去空門雖咫尺重泉難借法  
燈明



水明樓集卷五  
千年華表鶴空歸塵世于今半是非堂上掛  
高士去陵前下馬故人稀遺篇只有神長在  
碣應無涕可揮惆悵荒墳來往迹祇應狐兔  
緇衣

送董叔允遊雲中

大漠風傳刁斗驚黃沙漠漠幾人行鷗飛落日  
翻胡影馬飲流泉咽漢聲候館孤燈千里恨  
樓殘角五更情思鄉莫上高臺望蘇武當年有  
故城

憐君西去鴈門間愁見黃河塞外還鄉

空磧路離情韉上壯夫顏胡笳乍急征鴻

火初歸羽騎閒莫過漢家遺恨處斷腸青冢白

登山

贈解空和尚

僧臘多時鬢髮星禪心定是本來冥燃燈竹裏  
呼猿守說偈塔前與鶴聽衲擁慈雲飛滿榻花  
含香露滴歸筇只應學得黃庭帖案上時時有  
道經



汎碧浪湖遂登道場山絕頂望太湖

伏虎當年此梵宮蒼蒼鳥道躡飛鴻半湖碧浪  
長天外十里青山片雨中草沒龍池收定水雲  
歸塔院避罡風不須更上經樓望震澤東浮世  
界空

秋日同汝大振狂子卿汝高惟和惟起無

競集綠玉齋時惟和子卿下第歸自燕  
予歸自吳興汝高將以使事入浙惟起

將遊吳越

聚散匆匆共夕陽交驩情短別情長那堪遠道  
還家日更對臨岐送客觴到處雲山分旅夢舊  
游風土斷人腸相逢又作生離恨不信尊前是  
故鄉

送鄧汝高督餉之吳興

銅扉粉署度支郎斷命猶聞舌有香粟引千艘  
浮震澤槎乘八月渡錢塘盤龍殿古尋天聖伏  
虎山高訪道場雖是使君留不住瓜期也待柳  
枝黃



水明樓集卷五  
湫口溪行

千盤鳥道接雲平萬疊驚濤下太清向午不會  
窺日影隆冬猶自怯灘聲危峰一半天邊落短  
樵終朝石上行莫是巴東三峽裏斷腸亦有夜  
猿鳴

方廣岩

迢遙十里翠微山入雲関更有天銀異  
黃葉落珠宮高心橋斷前  
外竦鐘衆壑傳開

三千

贈錢山人

長鋏歌殘舌尚存途窮歲晚雨銷魂人問路絕  
平津邸客裏身依孤獨園詩草半囊携白雪爐  
香一炷對黃昏也知佞佛僧寮下猶勝侯門說  
感恩

送伯孺兄游吳興遂之姑蘇

扁舟適越更游吳飄泊行蹤半五湖鳥外嵐光  
玄墓小城頭山色洞庭孤交情白首誰知己世



路黃金是壯夫第去兄來同此地還將面目媿  
陶朱

分賦百花洲送伯孺家兄

清波如練遶吳門孤渚青青花正繁影落湖中  
西子面香歸月下館娃魂東風羅綺芙蓉幕晴  
日笙歌栢葉樽惟有江楓漁火客斷腸桃李憶  
芳園

送了空上人歸長干寺是日為觀音大士

降生

古寺浮圖舊帝京緇衣去日白衣生潮音南海  
身初轉錫影東林脚又行此別從來元屬幻他  
年何處更尋聲離心未必能無礙菩薩生時也  
有情

伯孺兄之吳興寄贈謝在杭

茗雪東來遶郡城碧流雙照使君清公庭事向  
湖間了澤國春惟水畔行桑翳人烟蠶有禁樹  
涼官閣鳥無聲夢中遠道青青草去傍君家池  
上生



飛燕詩有贈

不栖殘壘遶空梁翠羽羞池曉日長水面剪開  
新縠皺風前泥過晚芹香春秋有社何時定王  
謝無家到老忙莫爲飄零嫌命薄漢恩深處在  
昭陽

春暮同汝大玉生惟秦惟和惟起能始集

無競城南水亭

芳郊綠樹野烟和檻外池光十里波鬪草暗教  
牽弱荇流觴偏畏觸新荷麥秋蚤晚花期盡穀  
雨陰晴柳浪多待得城頭纖月上題詩相答采

菱歌

送曹能始之金谿弔座師周明府

三載緘哀獨損神西風吹動素車塵知音一顧  
慚公瑾良友千秋痛伯仁枯眼尚含臨別淚餘  
生猶是報恩身憐君抗質存孤劍繫死墳頭萬  
樹春

候官周明府輓詩

鵬在長沙鶴去遼祗今華屋是山椒一官竟乏



中人產雙鳥應趨上帝朝墮淚蒼生碑在感  
恩門客劍橫腰玉棺有意函僊骨不許當年積  
毀銷

送張孺愿太學之漳州兼訊黃仲高孝廉  
南望蒼茫海色澄征途馬蹋瘴雲崩青螺漸失  
江邊女赤鯉先尋滌上僧椰葉雨中迷月港荔  
枝香裏過溫陵不知叔度來何早已作諸侯客  
未會

懷伯孺兄客吳興

日斷孤鴻去渺然計程今在太湖邊孤城漏咽  
殘燈雨峴首筇扶半屐烟家念轉殷為客日鄉  
愁偏劇困人天舊遊風土同時節兩地情懷似  
去年

七夕鄧汝高民部招集玉皇閣同錢行道  
奈宗漢謝脩之鄧道鳴陳汝大康元龍  
王王生徐惟倫惟起袁無競分韻時汝

高以督餉使浙便道過家  
畫閣朱欄爽氣多勝情良會夜如何新詩暫借



雲中錦小扇輕翻月下羅  
祗畏貪權慙玉帝誰  
同乞巧效青娥使君莫更憑  
高望恐有星槎犯  
絳河

蚤秋鄧道鳴都闈招集隣霄臺送鄧汝高

民部還朝

秋容山色兩蒼然  
高處方驚氣候先  
帳下班荆俱揖客  
望中行李是登仙  
還朝策贈鞭非柳  
隔座詩成幕有蓮  
總道隣霄臺百尺  
不知何地見

幽燕

輓顧道行學憲

尊前樂府共清宵  
回首松陵歲月遙  
楚客不來魂未散  
鄭人相聚夢成妖  
觴流曲水春銷歇  
翰染臨池晚寂寥  
我有西州公子恨  
他年那忍過虹橋

兩袖青衫淚未收  
琵琶會譜白江州  
西風客散宜沽店  
夜雨魂歸環玉樓  
十院尚餘紗繫臂  
千金那復錦纏頭  
升天入地何須遍  
只合芙蓉洞裏求



送張公魯還家兼遊武夷

哀柳殘蟬處處鳴  
可堪杯酒送君行  
張顛草聖超三昧  
賀客詩狂壓四明  
霜淬雷公潭裏劍  
月寒毛女洞前笙  
還家更遂尋真樂  
厭聽臨岐腸斷聲

晚秋水口卽事有懷屠田叔轉運

黃葉驚飛暮靄凝  
微霜初落遠波澄  
雷疏石竇兩三里  
屋疊雲厓四五層  
月到帆前窺客夢  
詩成枕上喚漁燈  
故人此地曾分署  
遙憶清壺一

片冰

困溪觀妓嘲尚懋正年丈

紅粉雙鬟十斛醪  
餘輝猶遣嗣蘭膏  
滿堂客有淳于醉  
一權人隨范蠡逃  
陣陣颶風旋弱柳  
聲聲白雪破櫻桃  
他時倘閱西川記  
知道相逢是薛濤

閔壽卿山人自金山移居武夷

真誥遙傳煮石經  
十年辛苦註黃庭  
鼎攜楊子中冷水  
榻下羣仙大隱屏  
碧嶂不須留鮫骨  
丹



九明村集 卷五  
三  
鑪只待煉元形功成未必雲窩住別有虹霓結  
幔亭

送陳可棟還松溪

湖海飄零氣未除枉彈長鋏曳長裾酒中間作  
驚人語門下誰通逐客書到處雞羣應似鶴秋  
來鱸膾豈無魚交遊贈得詩千首南粵行裝恐  
不如

和徐大無題

連理凋殘瑠樹枝玉環從此杳難期平分韓椽  
香猶在心許徐君劍獨知有夢豈能通枕席無  
緣空使負床帷鍾陵千載重相見翻羨雲英未  
嫁時

青鳥無情信誓空靈犀難禁往來通春遊罷去  
桃應笑秋浪傳來葉自紅蠟燭生拚雙淚盡流  
蘇死結兩心同憑君莫怨芳菲節不道楊花暫  
信風

張叔麟別駕及諸同社夜集鐘山客舍聽  
李姬歌共限冷香二韻



一曲清歌子夜長  
笙篴纖指弄微霜  
紅綃浥露花魂冷  
翠袖籠寒月影香  
倚笑誤傾杯  
蟻絲覩妝輕拂鬢  
鴉黃行雲響  
過餘音斷去  
遶盧家  
玳瑁梁

張德南比部招看緋白二桃花

名花綽約曉風催  
此日平章宅上開  
映雪僊人姑射去  
餐霞姬子武陵回  
纍纍並結千年實  
漠漠雙飛百畝苔  
前度劉郎看未足  
紅塵拂面擬重來

答王百谷見懷

天涯蹤跡動相聞  
莫恠新詩不寄君  
處處青山看勒石  
家家白練見題裙  
魂飛半偈菴前月  
夢蹋毫光閣上雲  
為語孝廉船已近  
鱸魚蓴菜共秋分

送吳元翰之武林尋沈蓮池關士

遙遙一納水雲深  
南北峯頭訪道林  
斷俗可曾關祝髮  
游方元不礙冥心  
幡幢古寺三秋影  
鐘磬澄湖十里音  
雖是孤身迷處所  
白毫光裏得



相尋

送陳志玄還中都兼懷陸無從夏玄成

東風吹綠草萋萋  
淚應芳郊杜宇啼  
京口客程沙際鴈  
淮南鄉夢雨中雞  
舟從別浦回偏近  
天入長江望覺低  
何事送君腸早斷  
故人多在楚雲西

戲呈林子真

黃銷鵝子翠銷鷓  
篋拂層波帳九華  
裙帛褪來腰束素  
釧金鬆盡臂纏紗  
牀前弱態搖新柳  
枕

上迴鬟壓落花不信登牆人似玉  
三年空盼宋東家

十四夜同屠田叔使君困溪沈月

山含微照水微波  
樹裏傳呼一權過  
候火滿江唯月色  
清笳半部是漁歌  
疑邀弄笛來滄浦  
似乞支椳到絳河  
不待明朝先宴賞  
陰晴無定會無多

送溫永叔郡丞擢守南寧

清朝佐郡十年時  
千里專城去有期  
洞裏匏笙



九明樓集 卷五  
蠻部落雲邊銅鼓漢官儀江祠驗歲憑雞卜野  
館行春借鹿隨幸與交州山色近知君到日去  
檐帷

送林志尹之京

路向燕山萬里餘紅亭綠酒正春初沙迷驛柳  
陰中馬市鬻河水縫裏魚僮僕相依雙口劍交  
游長對數囊書知君壯氣逢人吐丞相華茵滿  
屬車

碩寬堂為黃懋忠太史賦

謝却浮名早掛冠門多桃李室芝蘭語淡月曉  
閒孤櫂震澤波平夢一竿雪點寒爐驚髮變霜  
催秋葉覺心丹也知板蕩興歌日未許詞臣賦  
考槃

送康元龍之白下

頻年飄泊正相悲又是天涯歎別時京口帆衝  
殘雪響石頭船觸斷冰遲朱門有路難投謁白  
社無媒只贈詩但遇平原君可繡不愁離緒不  
成絲



水明樓集 卷五  
哭座師方督學旅卒延平

力盡衡文抗疏歸掛冠三日死生違舟張素幄  
牽新觀傳引靈輜擁舊衣鵬影却來官舍集龍  
魂應到劍津飛感恩知己無窮淚不比荒原露  
易晞

白馬翩翩素旒開清明時節不勝哀棠梨野館  
隨魂落杜宇山程帶血催寮屬促迎喪主至妾  
孥啼遣待醫回報恩買得龍泉在何日秋風樹  
夜臺

聞惟和下第却寄

人間梯絕九重天落魄還同十載前別路草芳  
歸未得上林花好看無緣經心又作三年計閉  
日長妨幾夜眠風雪都門騎馬出黑貂終是勝  
青氊

爲屠使君悼燕姬

姬卒于困溪

驚波流盡死生恩寒食梨花閉寢門燕市換來  
餘駿骨延津歸去失龍魂秋風屏暗芙蓉影暮  
雨衾銷翡翠溫他日西陵埋玉地蕭蕭松柏更



含冤

新拋珠翠施金鈿一夢行雲二十年結子桃花  
愁易落宜男春草佩無緣香雲影斷翩翩蝶  
血聲催夜夜鶻留得鸞膠裙帶上恐君終絕託  
琵琶絃

贈邵武李郡公

符竹專城重楚材鏘鏘環珮九天回郢人葑曲  
高音調鄴架新詩辨體裁四野清聲流白  
家春色映丹臺寧知咫尺樵溪上得向龍門

李來

齊將軍招遊熙春山席上聞令弟歌

蒼蒼蘿逕遠連天高處回看萬井烟片雨隔溪  
迷過鳥驚風入樹促新蟬山光冷吸花間酒泉  
響徐聽竹外絃征虜向來多逸興填篋聲入雅  
歌傳

天香閣晚望見玉生惟起壁間詩有懷

寶輪金鐸已無聲古寺空傳西塔名滿閣天香  
沉下界一川烟火見孤城鐘前晚筵樵歌斷鏡



九山詩集 卷五  
裏秋帆旅船行料得舊遊題咏者想應同我此時情

屏山僧舍秋夜喜謝伯元見過

禪龕高柳暗銷青蟋蟀寒催白露零鄉夢未成  
鐘裏斷溪聲初合枕邊聽悠悠離思逢秋棘冉  
冉愁魂到夜醒猶幸與君相對坐名香孤燭兩  
函經

徐鳳儀朱任卿但過屏山僧舍

久客禪扉髻欲斑與君相對解愁顏松窓積雨  
經時掩竹院秋風半日閒流水砌邊行綠酒夕  
陽樓外看青山空門自是無關地不畏嚴城且  
莫還

屠使君歸自漳州枉駕溪上爲余言九漈之勝席上賦贈

南來五馬自清漳十日身閒勝具長野服半沾  
瑤草氣玄言全帶紫芝香暫辭官長依仙境不  
管兒童笑道裝一卷新詩燈下讀鯉湖山色在  
菲堂



送屠使君至芋江留飲驛亭以梨園佐觴  
使君首唱依韻奉答

陽關歌罷渭城朝恨結雲峯黯不消半歲簡書  
催去棹滿囊詩卷滯征軺難乾別淚江頭雨新  
長離愁驛外潮暫借餘閒聊卜夜傳奇高演燭  
高燒

困溪再和田叔使君

沅芷湘蘭綠滿臯雙飛征旆楚雲高雞壇夢逐  
關山遠熊軾寒衝雨雪勞困水暮流情宛轉慢

亭秋葉影蕭騷離樽欲盡頻回首短髮臨風不  
耐搔

春日陪惟和惟起由瓊河汎舟至溪上同

賦

瓊河曲曲長春流十里桃花引釣舟馬瀆客帆  
天外港龍江漁火竹邊洲山凝宿雨全青眼浪  
觸罡風半白頭三十六溪看不盡微茫烟樹水  
明樓

送林道魯就婚之楚



楊花如雪馬駝驪去住情深雨不堪之子天  
江漢上王孫芳草洞庭南化龍津古分雙劍回  
鴈峯高寄一函此別心知歸隔歲莫塞汀芷贈  
宜男

朝宗上人以募金造塔入閩却還金山寺

詩以送之

塔在蘇舍利子大如菽米  
每歲正月五日放光亘天

寶輪金鐸十方緣來三山南瘴雨天緇錫却回  
烟裏寺旗槍歸試石間泉清秋聲合洪濤險巖  
歲光生舍利圓聞說浮杯勝過櫓不妨雲水定

中禪

金山持心上人以募緣造塔入閩贈之

浮圖勢壓大江深劫火灰殘變古今燈歇海門  
雲外影鐸閒京口月中音幾番梅雨勞行脚到  
處榆錢勸發心翻笑頭陀功行少開山惟掘下  
方金

送張宗道游金陵

何處頻傷客路賒白門楊柳萬條斜月中古渡  
過桃葉雪裏高臺上雨花山色尚圍吳苑圍江



九日有集 卷五  
聲空咽晉年華知君舊有尊鱸興莫待秋風蚤  
憶家

白燕

差池素影掠風開肯認烏衣故國回雲母屏空  
飛不見水晶簾靜語方猜幾爭舊壘磨霜剪却  
哺新雛長玉胎知赴羽林年少約滿身春雪始  
歸來

送惟秦之端州

畫說端溪可斷腸總緣風土是炎方蠻村椰子

家家酒嶺樹奇南步步香毒霧布陰岩峒黑瘴  
雲蒸日海天黃古祠錦石山前路知愧千金陸  
賈裝

送田兆祥叅戎端州

新縮兵符出鎮南龍韜豹畧少年諳芙蓉夜久  
頻占氣蕙苾秋深可辟嵐帳下風雷傳處急枕  
前星斗夢中函知君義士多門客孤島烽烟靖  
笑譚

登延平凌虛閣

黃巢之亂招討李係歿於  
城守遂廟食焉後人稱爲



先鋒

檻外嵐光翠幾重  
八牕高瞰水溶溶  
孤城南向連三郡  
傑閣東開納九峰  
晉代龍魂懷從事  
唐家馬革弔先鋒  
傷心極目催歸思  
不待梅山起暮鐘

過石牛別業哭婦翁林正覺先生

石牛山水烟空此日重  
來歎不同滿路白楊  
嘶馬月幾家黃葉暮  
蟬風遺書有字留荒館  
廢宅無人守殯宮  
一掬斷腸生死淚  
倩誰憑寄九

泉中

送金開府解官還武林

白旄黃鉞幾經秋  
鼓角風清瘴海頭  
漢法獨詳揆粟令  
周詩偏預徹桑謀  
懸車議格章三上  
推轂恩深詔屢優  
雖是時平堪養重  
臯夔誰許作巢由

五年閩海重專征  
坐見鯨波郭外清  
交趾珠誰傾馬援  
漢庭金豈問陳平  
湖山未改當杯色  
驛路長喧臥轍聲  
宣室徵書知蚤下  
六橋三竺暫



經行

哭陳汝大

詩懷瀟酒酒腸寬忽爾霜推楚澤蘭別館夜譚  
違碣石空庭秋色夢邯鄲新阡自相青郊塚故  
里誰登白社壇不爲詞林公議在幾人罇俎祀  
儒冠

分題刻燭氣猶雄意興何嘗似老翁垂白尚聞  
驚坐語殺青初就苦吟功一時朋好蕭條甚六  
代英靈唱和同惟有詩名長不朽幾曾埋沒北

印中

送魯公識還朝鮮

公識名認仕朝鮮爲六品官萬曆甲午倭奴  
攻破朝鮮公識起兵勤王全家死之孤身見  
執至日本會關白死得亡命附商舶還閩守  
臣以聞馳傳送歸公識善也 草書贈之

萬里樓船散作灰全家赴難一身回張良引去  
韓讎重蘇武生還虜氣摧豕首白知鄉路近鴨



頭綠見瘴江迴令威故國無心返城郭人民盡  
可哀

金山烽暗海雲低夜々征魂怨碧蹄報國有心  
秦社哭還家無計楚囚啼新巢燕子空林裏舊  
宅楊花古渡西到日定知春事淺人參五葉雨  
中齊

哭徐惟和

別去家山隔數旬重來應似夢中身殘魂幾三  
相尋我遺囑先時轉付人抱女哀號青鬢妻

兒酸楚白頭親斷腸引塵孤燈下不得留君四  
十春

休珍遺翰惜遺文正是文章天殺君只有青年  
悲管輅幾曾華髮哭終軍壁緣白向深淵沒蘭  
爲香先衆草焚更恐詞人千載後重尋大雅破  
孤墳

聞說羸軀向玉田長親瘴霧與嵐烟文窮孝里  
千秋筆詩絕香閨七弔篇嶽秀降來終入地長  
庚謫去竟歸天可憐十子登壇後一死身關二



百年

玉田有林孝子惟和為之立傳又作香閣七甲詩寄余皆絕筆也

十年京國嘆無媒恨結青衫死不灰門客未衰  
諸弟在家奴潛散幾人回玄珠重隕鮫空室紫  
玉難留鳳去臺歲歲桑溪脩楔路杜鵑啼血野  
棠開

送李豹玄孝廉還京口兼呈鄔子遠

留君無計繫蘭橈江上新霜脆柳條裝薄却愁  
寒汛早途窮頻仗酒權銷瓦鐺夜煮中冷月鐵  
甕秋聽半夜潮為問故人離別後舊游何地更

逍遙

子遠有逍遙遊册余嘗為賦詩

送鄭邦衡之襄陽

孤帆影盡楚天長衡岳峰回一鴈霜雙佩月空  
清漢女千金花醉大隄娼采蓮夜聽澄湖曲芳  
杜秋寒北渚香才思莫為離別盡好吞雲夢賦  
瀟湘

送徐齊周之長樂謁張叔弢明府

寥寥脯精倩誰陳忍見麻衣拂路塵優孟尚憐  
孫叔後孝標知感彥升貧途衝青草春瘴門



倚黃昏兩代人童稚飄零堪自愛全身命脉一孤身

送蔣子才之粵

蝓慣吳中與越中此行難比舊遊同蠻烟衝馬  
渾身黑海氣蒸人滿面紅雙袖濕衝椰葉雨一  
鞭香拂荔枝風知君不愛千金橐肯復問關五  
嶺東

送蔣子才之粵



56#6327

